

PATRIARCHATUS CONSTANTINOPOLITANI. 239

ZENOPOLIS Notitiæ eidem & Constant. Porphyrogennetæ. *Gennadius* Zenopolis qui Pamphyliæ dicitur Episcopus subscripsit quintæ Synodo generali inter Episcopos Lyciæ.

TLOS Ptol. ibid. *Andreas* Tloxorum Episcopus subscripsit Concil. Chalced. & Epistolæ Synodali hujus Provinciæ.

CORYDALLA dictæ Not. & Ptol. ibidem. *Solon* hujus Episcopus subscriptus legitur actibus Conc. Chalced. & *Palladius* Epistolæ Synodali hujus Provinciæ subscripsit.

CAUNUS Ptol. ibidem, quæ & Acaleia dicitur in Notitia antiqua Græca. *Antipater* Cauni in Lycia Episcopus subscripsit Conc. Chalced. & *Eudoxius* Episcopus Acalandenus Epist. Synod. hujus Provinciæ; nisi dicas in eadem Epistola *Nicolaum* Gaunenum scribi pro Caunenum.

¹ ACRASSUS eid. Notitiæ. *Patricius* ejus Episcopus subscripsit Concilio Chalced. & *Nicolaus* Epist. Synod. hujus Provinciæ.

XANTHUS Not. eidem, & Strab. lib. 14. *Athanasius* Xanti Episcopus Epist. Synod. hujus Provinciæ ad Leonem subscripsit.

MARCIANA Not. eid. & Leuncl. ² *Marcianus* Marcianæ civitatis Provinciæ Lyciæ Episcopus subscripsit relationi Synodi Constantinopolitanæ de ordinatione Epiphani ad Hormisdam Papam, quæ inter ejus Epistolas reperitur.

CHOMA eidem Not. & Ptolem. ubi suprâ, vulgò *Com*, ex recenti Tabula Geograph. ³ *Eudoxius* Chomatenus Episcopus subscripsit Epistolæ Synod. hujus Provinciæ ad Leonem Imperatorem.

PHELLUS eidem Notitiæ & Ptol. ibid. *Philippus* Phelli Episcopus subscripsit Constantinop. Concilio generali quinto.

ANTIPHELLUS eid. Not. & Ptol. ibid. *Antipello* etiam vulgò dicitur. *Theodorus* ejus Episcopus subscripsit Concilio Chalced. & Epistolæ Synod. hujus Provinciæ.

PHASELIS eidem Not. & Ptol. ibid. vulgò *Fionda*, teste Molano. *Fronto* hujus Episcopus subscripsit Conc. Chalcedonensi, & *Aristodemus* Phaselitanus Antistes eidem Epistolæ Synodali.

⁴ AUCANDA Notitiæ antiquæ Græcæ, vel Ascanda Tom. 2. Concil. Eadem ut puto cum Ascandali oppido in Lycia, cujus meminit Plinius lib. 5. cap. 27. Epist. Synod. Lyciæ ad Leonem Imperat. habet *Pannitium* Episcopum Ascandenum.

EUDOCIAS Notitiæ eid. & Leunclavio. ⁵ *Aquilinus* Eudoxiadis Episc. qui Conc. Romano sexto sub Symmacho subscripsit, hujus forsan Antistes erat.

PATARA eidem Notitiæ & Ptol. ibid. vulgò *Patera*. Ex ejus Episcopis *Eudemus* subscripsit Concilio Nicæno, & *Cyrinus* Epistolæ Synodali hujus Provinciæ.

⁶ NESUS eidem Notitiæ, Nyfa Ptol. ibidem. *Heliodorus* Narenfis pro Nefensis, ut reor, Episcopus subscripsit dictæ Epistolæ Synodali.

BALBURA Ptol. ibid. vulgò *Caraburum* teste Leuncl. ⁷ *Nicolaus* Balburensis Episcopus subscripsit eidem Epistolæ Synodali.

1 OE-

NOTÆ LUCE HOLSTENII.

¹ *Acrassus*] Hæc supra in Lydia. ACARASSUS ejus loco hic ponenda, cujus Episcopus Nicolaus subscripsit Concilio Chalcedonensi Act. 6. Ejus Stephanus, præter Notitias, meminit. MS. Latin. antiquiss. Acarissi legit. Diversa ab hisce in eadem Lycia ACALISSUS, cujus meminerunt Notitiæ &c. [Hujus prov. &c.] & ipsi Concilio Chalced. Act. 6. ² *Marcianus* &c.] & ante hunc Augustinus novæ Marcianæ Episcopus legitur Tom. 1. Juris Græco-Rom. sub Gennadio Patriarcha CP. qui paulo post Marcianum Imperat. vixit, à quo ea civitas condita fuerat.

³ *Eudoxius* &c. subscripsit] Concilio Ephesino, & [Ep. Syn.]

⁴ *Aucanda*] Hierocli Arycanda [Not. antiq. Græcæ] pag. 49. Acanda.

⁵ *Aquilinus* &c.] Photius Episcopus Eudoxatorum provinciæ Lyciorum Concil. Constantinop. sub Menna.

⁶ *Nesus* eid. Not. Nyfa. Pt. ibid.] & sic Notitia inf. pag. 49. & Νέσων.

⁷ *Nicolaus* &c.] Philippus Concil. Chalcedonensi Act. 6.